



Broj: UP-I-KSI-09-20/23
Datum: 26.05.2023. godine

Na osnovu člana 25. i 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) i člana 25. Poslovnika o radu Komisije za odlučivanje o sukobu interesa („Službeni glasnik Brčko distrikta Bosne i Hercegovine“ broj: 19/21), postupajući po anonimnoj prijavi, u predmetu utvrđivanja povrede odredaba navedenog Zakona od strane A. I. iz Brčkog, ██████████, zamjenik direktora Zavoda za planiranje, projektovanje i razvoj Brčko distrikta Bosne i Hercegovine, nosioca javne funkcije, na 56. sjednici održanoj dana 26.05.2023. godine, donosi

RJEŠENJE

- I. **UTVRĐUJE SE** da je A. I. iz Brčkog, ██████████, zamjenik direktora Zavoda za planiranje, projektovanje i razvoj Brčko distrikta Bosne i Hercegovine, kao nosilac javne funkcije postupio protivno članu 7. stav (1) tačka a) i stav (4) Zakona o sprečavanju sukoba interesa u institucijama Brčko distrikta Bosne i Hercegovine na način da nije prijavio finansijski interes člana uže porodice u privatnom preduzeću ██████████, Komisiji za odlučivanje o sukobu interesa u roku od 3 (tri) dana od dana nastanka okolnosti.
- II. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, A. I. se shodno članu 43. navedenog Zakona izriče opomena.

Образложење

Dana 22.02.2023. godine Komisiji za odlučivanje o sukobu interesa je dostavljena anonimna prijava za utvrđivanje postojanja sukoba interesa protiv A. I., zamjenika direktora Zavoda za planiranje, projektovanje i razvoj Brčko distrikta Bosne i Hercegovine, kao nosioca javne funkcije. U prijavi je navedeno da je A. I., ostvarivao podsticaje u poljoprivredi za podsticaj u poljoprivrednoj proizvodnji u protekle tri godine za firmu ██████████, a koja je ostvarila podsticaj u poljoprivredi za 2021. godinu oko 40.000,00 KM, a za 2022. godinu oko 26.000,00 KM, a vlasnici firme su otac i brat, A. i Ž. I.. Nadalje, navedeno je da se pomenuta firma redovno pojavljuje na tenderima koje raspisuje Odjeljenja Vlade Brčko distrikta Bosne i Hercegovine i ostvaruje poslovne odnose sa institucijama distrikta u iznosu većem od 10.000 KM. Takođe, zahtijeva od Komisije za odlučivanje o sukobu interesa da utvrdi

sve relevantne činjenice, te ukoliko utvrdi postojanje povrede odredba Zakona o sprečavanju sukoba interesa, primjeni odgovarajuće mjere.

Komisija za odlučivanje o sukobu interesa je postupajući po anonimnoj prijavi Zaključkom broj: UP-I-KSI-09-20/22 od 09.03.2023. godine, pokrenula postupak za utvrđivanje postojanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine protiv nosioca javne funkcije A. I., zamjenika direktora Zavoda za planiranje, projektovanje i razvoj Brčko distrikta Bosne i Hercegovine.

Nosilac javne funkcije je Zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja Zaključka.

Nakon prijema Zaključka o pokretanju postupka, broj: UP-I-KSI-09-20/23 od 09.03.2023. godine, zaprimljen 27.03.2023. godine, A. I., zamjenika direktora Zavoda za planiranje, projektovanje i razvoj Brčko distrikta Bosne i Hercegovine, kao nosilac javne funkcije je dana 07.04.2023. godine putem punomoćnika Zajedničke advokatske kancelarije [REDACTED] dostavio Komisiji za odlučivanje o sukobu interesa pisano Izjašnjenje u kojem se između ostalog, navodi da je A. I., a postupajući po zahtjevu Komisije za odlučivanje o sukobu interesa od 15.01.2023. godine obavijestio Komisiju da su njegov otac A. I. iz Brčkog i njegov brat Ž. I. iz Brčkog suosnivači sa udjelima od po 50% u kapitalu preduzeća [REDACTED]

[REDACTED] Nadalje, navodi da je nesporno da su isti suosnivači, a sa druge strane, A. I. nije suvlasnik kapitala u navedenom preduzeću niti ostvaruje bilo kakvu imovinsku korist od navedenog preduzeća. Takođe, A. I. ne učestvuje niti ima uticaja na upravljanje navedenim preduzećem i stoga mu nije poznato sa kojim pravnim subjektima preduzeće posluje. U tom smislu mu nije bilo poznato ni da li to preduzeće na bilo koji način posluje sa Brčko distriktom BiH, zbog čega nije ni bio u prilici da Komisiju za odlučivanje o sukobu interesa obavijesti o tome. U vezi sa svim naprijed navedenim, predlaže da Komisija za odlučivanje o sukobu interesa obustavi postupak ili izrekne najblažu vrstu sankcije, odnosno opomenu ukoliko eventualno utvrdi da se ipak radi o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine, jer su iste učinjene kao nenamjeran propust.

Uvidom u Registar javnih funkcija i nosilaca javne funkcije, koje vodi Komisija, utvrđeno je da A. I. obavlja funkciju zamjenika direktora Zavoda za planiranje, projektovanje i razvoj Brčko distrikta Bosne i Hercegovine, na osnovu Odluke broj: [REDACTED] godine, te je obavezan postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine.

Članom 22. Poslovnika o radu Komisije za odlučivanje o sukobu interesa propisano je da je stranka u postupku nosilac javne funkcije.

Uvidom u dopis Poreske uprave Brčko distrikta Bosne i Hercegovine broj: 14.9-04.3-324/23 MS od 03.03.2023. godine utvrđeno je da je pravno lice [REDACTED] koristilo poreske olakšice za 2021. godinu, u iznosu od 3.140,60 KM, odnosno 10% kao ukupno ostvarena olakšica na iznos od 31.406,00 KM .

Takođe, uvidom u dopis Direkcije za finansije Brčko distrikta Bosne i Hercegovine broj: 13.9-04.2-309/23 od 10.03.2023. godine, utvrđeno je da je pravnom licu [REDACTED] dana 31.12.2022. godine isplaćen iznos od 25.682,00 KM za Podsticaj u poljoprivrednoj

proizvodnji, dana 30.12.2022. godine isplaćen iznos od 374,40 KM za Izvršene usluge, dana 30.12.2022. godine isplaćen iznos od 389,03 KM za Izvršene usluge, dana 30.12.2022. godine isplaćen iznos od 3.451,50 KM za Izvršene usluge, dana 31.10.2022. godine isplaćen iznos od 873,99 KM za Izvršene usluge, dana 28.10.2022. godine isplaćen iznos od 105,19 KM za Izvršene usluge, dana 28.10.2022. godine isplaćen iznos od 110,89 KM za Izvršene usluge, dana 28.10.2022. godine isplaćen iznos od 7.469,22 KM za Izvršene usluge, dana 13.10.2022. godine isplaćen iznos od 3.723,53 KM za Izvršene usluge, dana 01.03.2022. godine isplaćen iznos od 40.000,00 KM za Podsticaj poljoprivrednoj proizvodnji, odnosno za 2022. godinu u ukupno je isplaćen iznos od 82.179,75 KM.

Utvrđeno je da je pravnom licu [REDACTED] dana 31.12.2021. godine isplaćen iznos od 9.126,00 KM za Izvršene usluge, dana 14.10.2021. godine isplaćen iznos od 2.106,84 za Izvršene usluge, dana 14.10.2021. godine isplaćen iznos od 1.998,60 KM za Izvršene usluge, dana 10.09.2021. godine isplaćen iznos od 31.063,50 za Izvršene usluge, dana 19.08.2021. godine isplaćen iznos od 654,40 KM za Podsticaj poljoprivrednoj proizvodnji, dana 19.08.2021. godine isplaćen iznos od 7.159,92 KM za Podsticaj poljoprivrednoj proizvodnji, dana 04.08.2021. godine isplaćen iznos od 5.498,75 KM za Izvršene usluge, dana 18.05.2021. godine isplaćen iznos od 286,36 KM za Izvršene usluge, dana 14.04.2021. godine isplaćen iznos od 162,82 za Izvršene usluge, dana 03.03.2021. godine isplaćen iznos od 912,60 KM za Izvršene usluge, dana 23.02.2021. godine isplaćen iznos od 870,07 KM za Izvršene usluge, dana 08.02.2021. godine isplaćen iznos od 465,78 KM za Izvršene usluge, dana 19.01.2021. godine isplaćen iznos od 335,50 KM za Izvršene usluge, dana 19.01.2021. godine isplaćen iznos od 452,39 KM za Izvršene usluge, odnosno za 2021. godinu isplaćeno je ukupno 61.093,56 KM. Osnov za sticanje isplata, gore navedenih iznosa je Podsticaj u poljoprivrednoj proizvodnji i Izvršene usluge za Brčko distrikt BiH.

Članom 2. tačka f) Zakona o sprečavanju sukoba interesa u institucijama Brčko distrikta Bosne i Hercegovine propisano je da je član „uže porodice“ bračni i vanbračni drug, usvojilac, usvojenik, dijete, majka i otac nosioca javne funkcije, odnosno lice prema kome nosilac javne funkcije ima zakonsku obavezu izdržavanja.

Članom 7. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano da nosilac javne funkcije, za vrijeme obavljanja javne funkcije ne može biti član skupštine, nadzornog odbora, organa upravljanja i rukovođenja, biti u svojstvu lica ovlaštenog za zastupanje, niti imati bilo kakav finansijski interes u obliku plate ili naknade, uključujući i pružanje ličnih usluga, u bilo kojem privatnom preduzeću: a) kojem su vlasti u Bosni i Hercegovini davale podsticaje, olakšice, donacije i grantove, uključujući i kreditna sredstva, u iznosu većem od 10.000,00 KM na godišnjem nivou, u periodu od četiri godine prije stupanja na dužnost nosioca javne funkcije; dok je stavom (4) istog člana propisano da u slučaju da je član uže porodice nosioca javne funkcije član skupštine, nadzornog odbora, organa upravljanja i rukovođenja ili je lice ovlašteno za zastupanje ili ima finansijski interes ili pruža lične usluge u bilo kojem privatnom preduzeću iz stava (1) ovog člana, nosilac javne funkcije je tu okolnost dužan prijaviti Komisiji bez odlaganja, a najkasnije u roku od 3 (tri) dana od nastanka okolnosti, odnosno od preuzimanja javne funkcije.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda odredaba Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da A. I. nije u roku od 3 (tri) dana od nastanka okolnosti, Komisiji za odlučivanje o sukobu interesa prijavio finansijski

interes člana uže porodice te je tako postupio protivno odredbi člana 7. stav (1) i stav (4) Zakona o sprečavanju sukoba interesa u Brčko distriktu Bosne i Hercegovine.

Uvidom u Izvod iz matične knjige rođenih broj: 12.-000002-4062/2022 od 01.08.2022. godine, utvrđeno je da je A. I., otac A. I.. U Izvještaju o imovinskom stanju-Aneks II, A. I. je u rubriku „Podaci o roditeljima“ upisao A. I., te je zbog svega navedenog obaveza nosioca javne funkcije unijeti podatke o finansijskom interesu svog roditelja u Izvještaj o imovinskom stanju ili obavijestiti Komisiju.

Dana 09.12.2021. godine, Komisija za odlučivanje o sukobu interesa je nosiocima javne funkcije poslala dopis u vidu Informacije te ih informisala o pravima, obavezama i odgovornostima. Informacija je sadržavala i upoznavanje s obavezom prijavljivanja finansijskog interesa člana uže porodice kojem su vlasti u Bosni i Hercegovini davale podsticaje, olakšice, donacije i grantove, uključujući i kreditna sredstva u iznosu većem od 10.000,00 KM na godišnjem nivou. Isto je opisano pod tačkom 3. navedene Informacije, te to nije moglo ostati nepoznato A. I..

Nadalje, Komisija je i u Zahtjevu za dostavu podataka od 15.01.2023. godine, zahtijevala od nosioca javne funkcije da se izjasni da li član uže porodice ima 0,5 % ili više udjela u kapitalu, odnosno vlasništvu preduzeća, kako bi Komisija sačinila Registar preduzeća koja podliježu ograničenjima a koja posluju s Distriktom, te kako bi se isto javno objavilo na Internet stranici Komisije i pratilo da li preduzeća iz navedenog Registra ostvaruju poslovnu saradnju sa Distriktom, odnosno da li nosioci javne funkcije i preduzeća redovno obavještavaju Komisiju o stupanju u poslovnu saradnju sa Distriktom, te u vezi s tim dopisom, takođe ni ovo nije moglo istom ostati kao nepoznato.

Komisija ne može pokloniti vjeru navodima iz Izjašnjenja od 07.04.2023. godine da u Zahtjevu za dostavljanje informacija od 15.01.2023. godine nije traženo da se navede da preduzeće [REDACTED] na bilo koji način posluje s Distriktom jer, kako je to prethodno navedeno, u Informaciji od 09.12.2022. godine i u Zahtjevu za dostavu podataka od 15.01.2023. godine Komisija za odlučivanje o sukobu interesa je zahtijevala da nosilac javne funkcije prijavi da li, član uže porodice ima udio u vlasništvu veći od 0,5% u kapitalu i da li to preduzeće posluje sa Distriktom, jer je ta činjenica, da preduzeće i u kojoj mjeri „posluje s Distriktom“ relevantni dio zakonske odredbe, na šta Komisija pazi po službenoj dužnosti i za šta utvrđuje da li se radi o povredi Zakona.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju, a pri tome vodeći računa o težini i posljedicama povrede Zakona, te činjenici da je A. I., nosilac javne funkcije 15.01.2023. godine obavijestio Komisiju da je njegov otac, A. I. iz Brčkog, suosnivač sa udjelom od 50% u kapitalu preduzeća [REDACTED]

[REDACTED], ali da je propustio prijaviti finansijski interes preduzeća nego se radilo o nepoznavanju Zakona, nije imao namjeru neprijavljivanja podataka. Cijeneći sve naprijed navedeno, te da se radi o očito lakšem obliku kršenja odredaba Zakona, koje nisu nanijele štetu integritetu javne funkcije koju A. I. obavlja, Komisija je stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali stranka može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostavljeno:

1. [REDACTED],
2. Internet stranici Komisije,
3. Evidenciji i
4. Arhivi.